

湖南府縣志輯

三才圖會

同治益陽縣志

K296.4  
10  
65

# 中國地方志集成

湖南府縣志輯 ⑧③

同治益陽縣志

江蘇古籍出版社●上海書店●巴蜀書社

序

扶輿清淑之氣融為川瀆結為  
山阜旁魄鬱積間世而一鍾偉  
人益陽自秦時隸長沙置縣最  
古竟內浮邱諸山秀出霞表據  
衡嶽之左股資水繞之千里一

碧演迤晃漾以達於湖闌闔昌  
阜舟車殷賑行省以西一大都  
會也士生是邦代有俊傑自胡  
文忠公出中興之功論者首推  
之於是益陽之名益震爆於天  
下余於咸豐壬子曾宰縣事越

二十年總制全楚奉

命來湘而趙君裴哲傳君名作姚君  
紹崇及文忠之介弟裴翼重修  
縣志適成謁余為序蓋椎輪於  
舊志而芟其蕃廡增益所未備  
其體例則準之朝邑武功靈壽

三志稽考精覈部居秩然敘事  
嚴而有法為卷二十五盈尺之  
帙苞舉四竟史才具焉其間山  
川之險易田賦之等差氓俗之  
澆醇戶口之增耗皆余所身歷  
足踐而心與為繚繞者前塵影

迹重一披尋青蓋行春恍忽若  
夢又念當日與文忠相知為深  
師次宿松時夜分翦燭慨然以  
天下自任且相屬也東南既復  
中原大定天下想締造之難公  
已先卒於軍竟未獲竟其志而

目覩其盛焉意者清淑之氣間  
世一洩猶有未盡必更有駿雄  
非常之人含章挺生為載乘光  
者是余之所厚期而都人士所  
當交相勛也爰書之以為序  
同治十年辛未嘉平月

誥授光祿大夫頭品頂戴兵部尚書  
都察院右都御史總督湖廣等  
處地方軍務合肥李瀚章撰  
誥授建威將軍承襲一等毅勇侯湘  
鄉曾紀澤書

重修益陽縣志序

益志自嘉慶庚辰續修迄今五十年此五十年中水旱兵戈相繼間作賴

朝廷清明戡定而整齊之而人事之盛衰世運之升降遞推遞衍於此五十年中多足感予心者戊辰之冬奉檄攝斯篆

大府以重修邑志相屬予是以審慎其

益陽縣志

卷首

序

事會商邑人士開館採輯取舊志讀之主修諸賢令在明有若周濟有若劉激有若朱錄亦越

聖朝有若江閩有若高自位有若裴成章是六修者皆綱舉目張足為史鑑者也其人又皆政績炳然禦災捍患至今頌聲未歇見之志中者皆可徵也心儀之竊

欲步其後塵居亡何雨發江漲所在決

隄堰毀田廬人民離散求所為胥匡以

生者日夕禱祀卒不得請豈古今人不

相及歟抑予所以致敬而誠若者未足

以感孚歟質諸在昔遺愛有甚惡然於

吾心者邑人士苟有救荒良法足以蘇

吾民是予所拜嘉奉為三策之書者也

益陽縣志

卷首

序

二

志圖甫成視舊志有增行且為予繪鄭氏流民圖以志吾未盡休養生息之過予曷敢辭厥咎遂書以為序

大清同治八年歲次己巳冬至前一日

知益陽縣事仁和姚念楊銘三甫撰

重修益陽縣志序

事莫難於創始而樂於圖成湖南續修通志徵乘於邑蓋自同治丙寅以來三令五申矣時江侯肇成肩任其事集諸薦紳謀之旋卸篆輒輟嗣陸侯運景諸侯桓到任伸前議俱不果漸探某邑志具稿某邑志開雕而邑事遲之又久此

固經費之艱而亦夫公夫慎相與共事

之惟其人甚矣創始若斯之難也迺者

姚侯

念楊

下車即以志為初政以禮為

羅羣賢畢至刻期興修自二月入館至

今冬月採訪彙輯雲集響應遂斷而磨

之而上檄不時敦催疑亦急就章耳迨

綜

國朝三志雖校訛者更之缺者補之義理未

協者削之凡諸門類元元本本靡不精

細詳審始開館予深慮諸同事意見未

合或相牴牾曠日持久無以副姚侯勲

懇至意而應諸大憲之命已而倚裳聯

襪絕無畛域之嫌不朞年案牘盈尺一

展卷而縷晰條分不圖成功有若斯之

勤且敏也天下事翕然同心何事不可

為不且即一志覘其概哉

益陽縣教諭凌漢倬撰

同治八年歲次己巳仲冬月穀旦

重修益陽縣志序

予豈嚴酷不恤斯民哉日取吾民敲扑馬桎梏焉又從而宜岸宜獄焉誠有所弗忍顧非是曷使民日遷善遠辜而知所懲創也邑仁里素著多矣予下車以來巡行所至由治東而下循蘭溪泉交河旋繞石崙橋一帶由治西而上循桃

江修山旋繞馬家塘一帶蓋嘗採風而問俗焉湖山數百里中每經村落點閱團練旗幟鮮明隊伍齊整小戎駟鐵之風殆將恍惚見之偶微行思覓高人奇士與之把臂而澗溪沼沚之旁林深箬密之所多閉關却掃不與外人通一語邂逅二三父老攜杖攀轅歡迎道左微

叩之輒指陳風土雞犬桑麻皆能道之

津津有味已而偵強禦詰奸宄攘之剔之拔其根株而後已此豈有畏民志歟抑將斬於風俗純厚洵舊志所云家嫻禮義而化易乎地足漁樵而人樂業歟新志行且告竣編次之下景叢主修遺微不惟有明暨

國初諸老泰山北斗高不可攀即前任率作興事予亦無能企其幹濟惟是夙夜匪懈上體

聖天子辟以止辟刑期無刑之心欲令吾民無即陷淫誡如予所流覽之區渾々噩噩不失太古遺風又復守望相助漸可幾之有勇知方予雖有志未逮竊願匡

直輔翼而毅然振新之也書之以當序

云時

大清同治十二年癸酉歲孟冬月穀旦  
欽加知州銜知湖南長沙府益陽縣事

陽湖呂懋恆慎伯氏撰

益陽縣志竣修序

事不曰始終而曰終始明乎無  
終則亦無始也美弗彰而盛弗  
傳也益志曷始乎始之於姚侯  
銘三也曷終乎終之於呂侯慎  
伯也順昌備員冷署于茲八年  
矣素稔是邦山川之形勝人物

之瑰奇功勛之烜赫科第之崢  
嶸風會所開美矣非虛言也竊  
慕垂之邑乘被之風琴雅管龔  
鼓軒舞煌煌乎其盛矣乎然非  
得一賢有司如姚侯者搜巖採  
幹燦至風起鳥能先睹之為快  
快睹矣年不順成又適姚侯解

組經費不敷剗刷氏行行且止  
遲又久又將束之高閣從來遠  
大之模固有留待不能一蹴而  
致且必兩美而後合歟天假之  
緣又得一廉敬廉能即令呂侯  
者百廢具張尤惓惓是書謀付  
諸梓遂克已事而竣其在生民

益陽縣志

卷首 序

二

之十章曰辭之輯矣又曰辭之  
擇矣姚侯有焉其在烝民之六  
章曰維仲山甫舉之又曰維仲  
山甫補之呂侯有焉是為序

益陽縣訓導姜順昌撰

同治十二年癸酉歲冬月穀旦

同治八年己巳春月開局越十三年甲戌春月告成  
重修職銜

鑒定

欽命湖廣總督頭品頂戴兵部尚書都察院右都御史李瀚章  
主修官

同知銜署益陽縣知縣姚念楊  
知州銜署益陽縣知縣呂懋恆

同修官  
益陽縣教諭凌漢倬

益陽縣教諭劉筠

益陽縣訓導姜順昌

益陽縣志 卷首 重修職銜

益陽縣縣丞梁同壽

益陽縣典史吳廷謀

總纂

五品銜候選教諭掌教龍洲書院趙裴哲

纂修總理局務

同知銜候選知縣胡秉翼

同知銜候選知縣前署桂陽縣教諭傅名作

纂修

中書科中書銜候選訓導姚紹崇

同知銜候選知縣蔡增澍

中書科中書銜前署鄧縣教諭盛世麟

運同銜甘肅省平羅縣知縣舉人熊運昌 晚麓

桂陽縣訓導舉人李沛霖 竹樓

花翎五品銜候選知縣現任耒陽學教諭王維國 舉人山人

舉人陳誥 晉廷

舉人吳超然 雲亭

附貢張昭鶚 翰秋

生員周岷源 少如

校對員王枚 翰東

生員趙進修 印秋

世襲雲騎尉

採訪人繁備載於後

益陽縣志 卷首 重修職銜 二

益陽縣志卷首

新序

修纂職銜

舊序

舊志修纂職銜

凡例

詔諭

圖象

分星圖 縣境全圖 城池圖 縣治舊圖

公署圖 學宮圖 龍洲書院圖 箴言書院圖

十景圖 雲虎山圖 小廬山圖 浮邱山圖 九岡山圖

資水圖 馬跡堂圖 桃江圖 堤垸圖 廿三廂里圖

輿地志上

置里 里志 里域

極度 附星野

沿革 附表

卷之二

輿地志下

山川

關隘

風俗

物產

卷之三

營建志上

城池 附街道

公署 附禁鈇 卷濟 育嬰堂

倉庫

市鎮

卷之四

營建志下

津梁

坊表

卷之五

益陽縣志

卷首 目錄

民賦志上

戶口

土田

水利 附堰 陂塘

賦役

稅餉

卷之六

民賦志下

公產

卷之七

學校志上

學宮建置

崇祀

卷之八

學校志下

教條

學額

典籍

書院

義學

社學

考棚 附卷費

益陽縣志

卷首 目錄

卷之九

禮儀志上

祭禮一

卷之十

禮儀志下

祭禮二

朝賀禮

受朔禮

迎春禮

耕藉禮

講約禮

|      |     |     |     |      |     |                         |    |    |    |      |      |     |                     |                     |    |      |     |    |    |    |    |    |
|------|-----|-----|-----|------|-----|-------------------------|----|----|----|------|------|-----|---------------------|---------------------|----|------|-----|----|----|----|----|----|
| 鄉飲酒禮 | 賓興禮 | 救護禮 | 祈禳禮 | 卷之十一 | 武備志 | 營制 <small>校場 作備</small> | 塘汛 | 郵舖 | 兵事 | 卷之十二 | 益陽縣志 | 秩官志 | 文職 <small>表</small> | 武職 <small>表</small> | 名宦 | 卷之十三 | 選舉志 | 科第 | 鄉貢 | 辟舉 | 武勳 | 賢選 |
|      |     |     |     |      |     |                         |    |    |    |      | 卷首   |     |                     |                     |    |      |     |    |    |    |    |    |
|      |     |     |     |      |     |                         |    |    |    |      | 目錄   |     |                     |                     |    |      |     |    |    |    |    |    |
|      |     |     |     |      |     |                         |    |    |    |      |      | 四   |                     |                     |    |      |     |    |    |    |    |    |

|    |      |      |    |    |      |      |    |    |      |      |    |    |      |      |    |    |      |      |    |      |      |
|----|------|------|----|----|------|------|----|----|------|------|----|----|------|------|----|----|------|------|----|------|------|
| 雜職 | 卷之十四 | 人物志上 | 鄉賢 | 宦業 | 卷之十五 | 人物志上 | 忠義 | 孝友 | 卷之十六 | 人物志中 | 文苑 | 學行 | 卷之十七 | 人物志中 | 善行 | 隱逸 | 卷之十八 | 人物志下 | 壽士 | 卷之十九 | 人物志下 |
|    |      |      |    |    |      |      |    |    |      |      |    |    |      |      |    |    |      |      |    |      |      |
|    |      |      |    |    |      |      |    |    |      |      |    |    |      |      |    |    |      |      |    |      |      |
|    |      |      |    |    |      |      |    |    |      |      |    |    |      |      |    |    |      |      |    |      |      |

列女 孝女 節孝 貞烈 壽婦

卷之二十

人物志下

方技 附方外

流寓

卷之二十一

封蔭志

封贈表 文階 武階 例封

錄蔭表

卷之二十二

藝文志上

益陽縣志

卷首 目錄

書目 經史子集

卷之二十三

藝文志下

補遺

卷之二十四

尚儀志上

藩封

古蹟

卷之二十五

尚徵志下

邱墓

六

寺觀

祠畧

遺事

益陽縣志

卷首 目錄

七

舊序 明安治十六年

古者諸侯之國莫不有史如晉之乘魯之春秋之類是也今之郡邑古侯國也郡邑之志古史之流也益陽未有志

殊爲缺典而邑吏之責也歲次壬戌濟奉命來承茲邑適

大尹劉君士宏志道以憂制去任濟實署縣事簿書之暇

因與判簿湯君靜夫定李君廷昭繁司訓許君世佐亮邑

幕鄔君維綱仲紀圖爲志而邑之搢紳士夫又協心贊成

由舊制草創一帙以授濟披閱久之頗覺卷帙無敘著述

少文不失之野則失之浮不失之繁則失之略心甚病焉

用是潔清館舍聘延耆儒李君朝貴鄉進士劉君志尹相

與刪繁撮要以事其事未幾友人王君直夫自太和至濟

益陽縣志 卷首 舊序

復致書幣迎入志館重加讐校越半載志乃成其體例一

遵大明一統志罔敢僭逾其紀載自疆域以至附集諸文

釐爲七卷各各有目總而名之曰益陽縣志目統於綱秩

然而不紊文以飾樸煥然而有章一披閱間土地之廣袤

建置之沿革山川之險易風俗之美惡政治之得失物產

之豐嗇戶口田賦之消長足以周知而無遺其中人物事

蹟有功於天下國家有益於民彝世教者又足以廉頑立

懦寬鄙敦薄可以詔當時可以信後世功非小補事非細

故此濟所以惓惓於茲不敢少怠而志所由以成也雖然

濟何敢有其功哉同寅諸公協相之功也邑中士夫贊襄

之功也二三子爬羅剔抉蒐索之功也濟何敢有其功哉

謹述圖志願末以爲序若夫踵名宦之芳圖繼人物之高  
蹤繇科甲於盛時垂功勳於彝鼎大書特書不一書則有  
待於後之君子署益陽縣事縣丞廬陵周濟撰

舊序 明嘉靖三十三年

甚矣志之不可易也昔江淹有言修史之難無出於志誠

以憲章所繫非老於典故者不能爲也昔之號稱善敘述

悉舊事如陳壽李延壽亦不克作志謂特重其事非耶激

於嘉靖庚戌夏來治是邑薦紳先生咸曰邑舊志散佚存

十一於蠹蝨之餘閒阻於時事卒無完書誠缺典也子來

無亦是務乎激曰不敢易也歲再閏癸丑秋甫圖修輯賀

監之氏憲羅志成氏九朝潘良臣氏相郭光仲氏謙蔡克

益陽縣志 卷首 舊序

承氏國欽始分門別彙屬龍洲諸子授簡銓次居無何古

渝王君子元奉有史才僑寓邂逅就聘總裁副以邑博梁

臣之氏世龍而志克以成編噫志豈偶然哉夫志志之生

於心者也則非文具將以融諸心而備物昭軌者胥此也

易乎哉且志何始也九邱既作說於成周地官營之司馬

藏之宗伯識之大司徒職方氏外史掌之詩書春秋而下

班馬劉賈之徒各以其說表見今朝憲章駕軼三代國史

採錄不遺下邑厥典亦重矣益獨可缺乎哉而激又敢易

乎哉幸我諸君子旁稽博考正訛補略扶綱振目述舊收

新志輿圖則列沿革星野疆域山川形勝坊表陂塘市鎮

津渡風俗志建置則列縣治城郭學校書院社學公署諸

屬舍儲舖舍坊衙亭榭學書籍學產志秩官則列正佐  
首領屬官名宦列傳志政治則列里甲戶口徭役民兵驛  
傳惠政志食貨則列土產田稅額辦歲辦志禮制則列公  
儀祀典壇壝祠祀鄉飲志人材則列文武列科三途隱逸  
地封耆壽僑寓名賢列傳志藝文則列話勅序記詞賦詩  
章志雜志則列古蹟僊釋寺觀神廟物異邱墓然所志於  
諸君子者不溢不隱公善惡以成其志俾後之同志觀於  
此而守善之心生焉孔子作春秋曰吾志在焉識志者志  
其志也使吾志焉不自心生而欲志志者之生於心焉寡  
矣有司與紀載者均有責焉爾矣志敢易乎哉益陽縣知  
縣富順劉激譔

益陽縣志

卷首

舊序

舊序 明萬曆元年

三

在昔信桓之宮有禮書御書象魏之藏當時稱爲秉禮之  
國杞宋不存先生之典籍則爲文獻不足之邦益志舊無  
存今止傳孝宗癸丑本嘉靖辛亥者續而未成太學朱公  
出補益令謂其缺弗完也勦弗根也複弗要也晦弗晰  
也以責之蔡君繼芳周君世亨溫君朝祚洎鳳梧與豚子  
逢舜而公又爲之筆削斷案詮釋品隲於其間而書用成  
爲卷者四爲篇者三十其目曰以代繫年以年繫事分割  
併置推世運之變遷作歷代沿革年表割置既定區域乃  
辨廣輪之數所當知也作疆域仰觀乾曜俯察地軸緯書  
固誕省戒寓焉作分野作災祥厥爲相方山澤是略貢崇

帶漫南國之雄也什形勝郡邑未啓厥有熊湘黃帝齊桓  
實惟所履然弗可指矣表而識之胡可廢歟作山川設官  
分職凡以爲民鷹鸞鳳凰不可掩也伐檀甘棠不可強也  
其嚴乎作建官作職官君子勒崇垂鴻光耀史冊昭之舜  
典弗可泯也作封建紫衣賤服齊俗尙焉是以君子慎所  
以感之者作風俗比閭族黨有紀有綱分而爲十合而爲  
一作里社治平在庶功興庶功興在事役平事役平在民  
數周作戶口地分南北燥溼殊功辨厥土宜以訪方物作  
民物產反裘而薪皮必盡矣任過其力走必偃矣節而愛  
之有司之責歟作田賦作備調坐廟堂而發令則拭目改  
容肩摩接踵而與之約則易之矣作公署於越夷貊之子

益陽縣志

卷首

舊序

四

生而同聲長而異俗教使之然也是以正鵠設則射志定  
土范齊則鑄器良作學校國之大事惟祀不瀆不淫乃愛  
其福作祀典巍巍城守桓桓干城不虞之戒聖世不廢作  
兵防凶荒札瘥國之災也津梁道路民之利也欲治必先  
焉作惠政取士之途代非一轍然要以得員才裨治化也  
作選舉年表湛恩汪濊下逮閭閻修錫命之榮作恩例冬  
日之陽夏日之陰萬物歸之莫之使也作宦績傳岳祇毓  
秀川若鳩祥處爲龍蜃出爲鳳翔作里賢傳奸雄盜賊擾  
我疆場消沴傾否哲人是賴作經略傳大澤之雉五步一  
豚不羨速飽陽谷之龜曳尾泥淖不希巾笥作隱逸傳國  
無善俗君子不入名賢萃止邑里之光作游寓傳貞夫淑

媛天地之紀華門蓬戶懼弗昭焉作節孝作義烈傳二氏之教族類攸分傳訛襲舛弗可雜也而可懼也作雜志綜稽世變匪文不傳微言合道可以訓俗作藝文畧有綱裘有領其詳在彼其略在此作序篇邑人賀鳳梧撰

舊序 康熙二十二年

昔大禹導水及衡陽九江雲夢舜巡守於南嶽楚南之歸聲教蓋久矣神農南遊終於茶鄉少昊胙土於斯長沙之得被聖人之教也又久矣黃帝則南至於江豈熊湘作咸池故知益陽沐德教於五帝者更甲於他邑矧竭智盡忠博聞強志三閭大夫既作於前氣節學識賴有乖崖克振於後風土已非三苗之舊可知宜乎一縣之志淹雅典麗

益陽縣志

卷首

舊序

五

俾千載而下讀之者如親見古今人地盛衰得失始爲愉快也雖然益自東漢長沙蠻擾亂以來兵革之禍曾無百年得免焉明武宗之先庶幾樂土世宗時徐澄耳張廣勝輒相騷動明末焚掠固不勝書我

國家謫平六字楚南獨後旋又罹逆賊蹂躪數年他如前代兵爭不具論無怪乎歷秦漢以迄於元無講及此者邑之有志初於明孝宗癸亥邑丞廬陵周濟續於嘉靖辛亥邑令敍州劉激再續於神宗癸酉邑令建安朱錄過此更無繼起者矣予以庚申十月來縣蚤有志焉遂徧爲採索僅得朱志殘編年久散失斷闕荒陋譌舛特甚越二年恭逢皇上頒纂修省會郡縣通志之令乃更搜輯咨訪考證因茲舊本

四卷廣之爲十卷爲類二十爲事一百一十有奇爲文十

萬五千餘言爲時兩易寒暑而後告成去神宗修志一百一十餘年去孝宗作志之初一百八十餘年是志也初於癸亥成於癸亥豈一方之志興廢固亦有時乎大率祖於周禮職方夏書禹貢及左氏九邱之義於以昭當代同風之治之盛備國書之採擇云耳若夫修飾潤色之功能母待於後之守土者歟益陽縣知縣貴陽江閻譔

舊序 乾隆十二年

益之有志由來舊矣有明孝宗時承周濟署令事初始之續於嘉靖時邑令劉君激再輯於神宗時朱君錄鼎革之後廢於兵燹殘編斷簡存什一於千百矣

益陽縣志

卷首

舊序

六

國朝康熙二十二年歲癸亥江君辰六復增修之爰有成籍自茲以還閱六十五載令茲土者未之及焉豈簿書錢穀之軼掌罔有餘閒與抑亦作志之難歟然弗敢繼其事也夫志卽史也自龍門創八書班固繼之易名爲志迨陳壽紀三國乃以志名全書然前人不以志名書而有志後人以志名書而無志非不作也遷固萃美於前後起罕與頡頏者繼之難故不敢作也邑志之難詎不其然矧益夙稱繁劇膺斯邑任簿書錢穀日不暇給吏治愈親文藝愈疎而欲網羅數十年之軼事紹前賢之芳規斟酌簡繁品題優絀萬有一爽穢史蒙譏是卽政有餘閒亦遽巡而不敢納余不敏承乏資陽閒嘗檢閱舊志竊歎江君修輯迄今

甲子一周祖父之教行子孫尚能道其詳草野之遺蹤故老猶能述其舊及今弗續恐久而泯其傳即傳亦失其真也宰於斯者能勿任其咎與時值太守呂公纂修郡志徵乘於益余雖不文抑余職也奚其辭於是癸亥以前沿康熙志之舊缺者補之譌者正之因襲之中閒參末見至癸亥以後則博稽遠訪顯微闢幽惟期傳信不妨闕疑事竣呈之呂公樂襄郡志之成且儲以備輶軒之採也夫今日之益邑非猶昔日之益邑也且今日之益志亦非猶昔日之益志也曩者兵革甫靖瘡痍未起撫時輯志方慶鼎新深沐

聖祖仁皇帝四十年涵濡漸漬之恩繼以

益陽縣志 卷首 舊序

世宗憲皇帝十三年鼓舞振興之德我

皇上御極以來文教誕敷湛恩汪濊太和之氣翔洽宇內宣尼云

必世後仁矧

聖祖相承於茲又三世乎是以山川景物雖則如舊而休養生息薄賦輕徭戶口繁滋氣象和樂學校則尊崇倍至禮樂輝煌科第則鄉會聯翩人文蔚起士無不端之習民無不醇之風人物藝文美不勝勝取荷與休哉余也珥筆而書匪云末吏之纂修足紹良史之筆削要惟考据精詳品隲攸當信今傳後鼓吹休明俾識資陽下邑亦足徵

聖朝久道化成之盛治云爾益陽縣知縣甯晉高自位譔

又序 乾隆十三年

邑之有志所以臚形勝摭軼事博紀芳徽備採輶軒也稍舛譌焉則失真稍遺漏焉則失傳魯魚帝虎之辨關係匪輕志豈易言修哉益陽踞洞庭上游隸長沙府治西北二百里許左扼牂牁右馳甌越小廬太常諸峰屏障前後其形勢可謂壯矣矧黃帝南巡登熊湘而作咸池屈原寓桃花江作天問馬伏波破蠻於五溪岳武穆克寇於龍洲余每讀史至此竊嘆夫鄴陽資水相距匪遙安得鼓掉過之快觀山川人物之盛以釋厥信疑耶戊辰秋恭膺

商命

適補茲邑甫下車志館諸君子彙成書而請曰此益陽縣志也創於有明時之署令周公諱濟者厥後劉公激朱公銖

先後續輯

益陽縣志 卷首 舊序

國朝癸亥歲江公闔復增修之屆今六十餘年矣適奉郡

伯呂尊修郡志徵乘益邑高公更爲之斟酌品隲於其間而續修焉編次將竣高公以丁艱去諸君子乞余踵其事并徵余序余宰茲土義毋庸辭爰於簿書鞅掌之暇悉心校讐言夫乾曜地軸瞭如指掌也風土人文較如列眉也戶口之殷繁賦役之多寡朗朗若數閒屋也祀典職官流寓古蹟皆井井有條班班可攷也甚矣哉斯志也所爲踴據典實補闕正譌者洵益邑之信史也哉雖然志也者志其實也不孚其實烏乎志切願邑中人士砥節礪行爭相鼓舞振興以求可志之實俾天下後世景企芳躅相傳不朽焉是即余之志其志也夫益陽縣知縣鄧陽蔡如杞譔